

Riedsútstel

Ynformaasjekarrûsel	: 14 septimber 2017
Agindapunt	: 3
Status	: Informerend/Vergaderstuk
Program	: Programma 1 - Mienskip
Ferfolch	: Opinearjend/beslútfoarmjend 21 septimber 2016, agindapunt 8
Portefúljehâlder	: J. Stellinga
Amtner	: mefr. D. Verbeek
Taheakke	: Taheakke 1: Nota Frysk taalbelied Achtkarspelen 2017-2021

Underwerp

Nota Frysk taalbelied Achtkarspelen 2017-2021

Foech ried/kolleezje

De ried jout it ramt oan foar it Frysk taalbelied troch it fêststellen fan de Nota Frysk taalbelied. It kolleezje jout dêrnei útfiering oan it Frysk taalbelied.

Wy stelle jo foar te besluten om:

1. de 'Nota Frysk taalbelied Achtkarspelen 2017-2021' fêst te stellen;
2. by de behandeling fan de programmabegrutting 2018 struktureel in ekstra bedrach fan € 6.000 beskikber te stellen foar in tal nije ympulsen op it mêd fan it Frysk.

Ynlieding

De hjoeddeistige Nota Frysk taalbelied Achtkarspelen is opsteld foar de perioade 2013-2016. Dêrom is in nije nota foar de kommende fjouwer jier taret en it hjoeddeistige belied aktualisearre. Ek de 'Wet gebrûk Fryske taal', dy't fan 1 jannewaris 2014 ôf fan krêft is, ferget desintrale oerheden yn Fryslân om in eigen taalbeliedsplan én in taalferoarding fêst te stellen. Op 6 april 2017 is in nije taalferoarding fêststeld. No is in nije beliedsnota oan bar.

Te berikken effekt

Behâld en fuortsterkjen fan de Fryske taal.

Arguminten

De Wet gebrûk Fryske taal ferget gemeenten om in taalbeliedsnota fêst te stellen

It opstellen fan in beliedsplan oer it brûken fan de Fryske taal is in eask op grûn fan artikel 5, twadde lid fan de Wet gebrûk Fryske taal.

De gemeente hat in ramt foar it Frysk taalbelied

Mei in Nota Frysk taalbelied hat de gemeente in ramt foar it Frysk taalbelied. Dêrmei is dúdlik hoe't wy as gemeente mei it Frysk omgean en wat de doelen en de útgongspunten fan it Frysk taalbelied binne.

Finânsjes

Foar it finansierjen fan de nije aktiviteiten op it mêd fan it Frysk is in ekstra budzjet nedich. Yn de Kadernota 2018 is dat al oankundige. De nije ympulsen binne foar in part struktureel en foar in part ynsidinteele. De totale kosten wurde rûsd op sa'n € 34.000 foar de kommende fjouwer jier. By de behandeling fan de programmabegrutting freegje wy struktureel in ekstra bedrach fan € 6.000 beskikber te stellen foar in tal nije aktiviteiten op it mêd fan it Frysk.

Ried : 14 septimber 2017
Punt : 3
Side : 2

Ynsidinteele : € 22.000
Struktureel : € 12.000 (4 jier x € 3.000)
Totale kosten : € 34.000
Dekking : € 10.000 besteand budzjet LF2018 (foar projekt 'Lân fan taal')
 € 24.000 nij budzjet (€ 6.000 it jier)

Provinsje Fryslân hat subsydzjemooglikheden foar it Frysk. Oan 'e hân fan it oersicht mei nije ympulsen sille wy dêrfoar in oanfraach yntsjinje. As de provinsje de subsydzje oanfraach honorearret, dan stelle wy it nije budzjet by nei ûnderen ta.

Boargerpatisipaasje

Op 9 maaie is der in ynteraktive gearkomste organisearre foar riedsleden en oare belutsenen.

Kommunikaasje

De Nota Frysk taalbelied komt op de webside fan de gemeente en wy bringe it foar de oandacht op de gemeentepagina yn Actief.

Ferfolchtrajekt

Nei it fêststellen fan de Nota Frysk taalbelied Achtkarspelen sille wy de aktiviteiten yn de nota de kommende jierren útfiere.

Bûtenpost, 8 septimber 2017

it kolleezje fan boargemaster en wethâlders fan Achtkarspelen,

siktaris, boargemaster,

mr. drs. E.H.C. van der Laan G. Gerbrandy

Konsept riedsbeslút

De ried fan de gemeente Achtkarspelen;

nei it lêzen fan it útstel fan it kolleezje fan boargemaster en wethâlders fan 1 septimber 2017, wurklistnûmer 8;

mei it each op artikel 5, twadde lid, fan de Wet gebrûk Fryske taal;

beslút:

1. de 'Nota Frysk taalbelied Achtkarspelen 2017-2021' fêst te stellen;
2. by de behandeling fan de programmabegutting 2018 struktureel in ekstra bedrach fan € 6.000 beskikber te stellen foar in tal nije ympulsen op it mêd fan it Frysk.

Sa fêststeld yn de iepenbiere gearkomste
fan de ried van de gemeente Achtkarspelen
fan 21 septimber 2017.

De griffier,

De foarsitter,

mefr. J. van Hoppe MPM

G. Gerbrandy